

ერთი მხრივ, საქართველოს იუსტიციის სამინისტროს სსიპ - საქართველოს ეროვნული არქივი (შემდგომი „მიმწოდებელი“) მდებარე: თბილისი, ვაჟა-ფშაველას გამზირი N1, წარმოდგენილი ეროვნული არქივის ტერიტორიული ორგანოს - მცხეთის ადგილობრივი წარმომადგენლის დროებით მოვალეობის შემსრულებლის, ეფემია წიკლაურის სახით და მეორე მხრივ, სსიპ - ილია ჭავჭავაძის საგურამოს სახელმწიფო მუზეუმი (შემდგომი „შემსყიდველი“) მდებარე: მცხეთის მუნიციპალიტეტი, სოფ. საგურამო, წარმოდგენილი დირექტორის, ანდრო ბედუკაძის სახით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

საარქივო მომსახურების შესყიდვა (CPV კოდი 79900000 სხვადახვა კომერციული მომსახურება და მასთან დაკავშირებული მომსახურებები. ქვეკოდი 79995100 - საარქივო მომსახურებები) სსიპ - საქართველოს ეროვნული არქივის მიერ ილია ჭავჭავაძის საგურამოს სახელმწიფო მუზეუმის 1947-1984 წლების პირადი შემადგენლობის საქმეთა შენახვა ერთი წლის განმავლობაში, 2017 წლის 1 იანვრიდან 2017 წლის 31 დეკემბრის ჩათვლით, სულ: 166 (ას სამოცდაექვსი) შესანახი ერთეული (საქმე).

2. ხელშეკრულების საერთო ღირებულება

2.1 წინამდებარე ხელშეკრულების საერთო ღირებულება განისაზღვრება 332 (სამას ოცდათორმეტი) ლარის ოდენობით.

2.2 გაანგარიშებისას გამოიყენება „საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - საქართველოს ეროვნული არქივის მიერ გაწეული მომსახურებისათვის დაწესებული საფასურის ოდენობების, გადახდის წესისა და მომსახურების ვადების დამტკიცების შესახებ“ საქართველოს მთავრობის 2011 წლის 29 დეკემბრის N506 დადგენილების 1 ნაწილის მე-12 პუნქტი.

2.3 წინამდებარე ხელშეკრულების მე-2 მუხლის 2.2. პუნქტში აღნიშნული დადგენილებით, საქმეთა შენახვის ღირებულება დადგენილია საფასურის განაკვეთის მიხედვით, ერთ შესანახ ერთეულზე (საქმეზე) ერთი წლით - 2 (ორი) ლარი დღგ-ს ჩათვლით.

3. ანგარიშსწორების ფორმა და ვადები

3.1 წინამდებარე ხელშეკრულებით ანგარიშსწორება ხდება უნაღდო ანგარიშსწორებით, ყოველთვიურად, შესაბამისი ანგარიშ-ფაქტურის წარდგენიდან 10 სამუშაო დღის ვადაში.

3.2 უნაღდო ანგარიშსწორება ხორციელდება კანონმდებლობით დადგენილი წესით.

3.3 თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

4. მხარეთა უფლება-მოვალეობანი

4.1 მიმწოდებელი ვალდებულია:

ა) გაუწიოს საარქივო მომსახურება შემსყიდველს სათანადო ხარისხითა და შესაბამისი ნორმების დაცვით;
ბ) დაიცვას წინამდებარე ხელშეკრულებაში მითითებული დოკუმენტები დაზიანებისა და შინაარსის გაყალბებისაგან.

4.2 მიმწოდებელი უფლებამოსილია:

მოთხოვოს შემსყიდველს ანაზღაურება „საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - საქართველოს ეროვნული არქივის მიერ გაწეული მომსახურებისათვის დაწესებული საფასურის ოდენობების, გადახდის წესისა და მომსახურების ვადების დამტკიცების შესახებ“ საქართველოს მთავრობის 2011 წლის 29 დეკემბრის N506 დადგენილებისა და წინამდებარე ხელშეკრულების მე-2 და მე-3 მუხლებით დათქმული პირობების დაცვით.

4.3 შემსყიდველი ვალდებულია:

გადაუხადოს მიმწოდებელს წინამდებარე ხელშეკრულების მე-2 მუხლის 2.1 პუნქტით განსაზღვრული თანხა, ამავე ხელშეკრულების მე-3 მუხლში დათქმულ მოთხოვნათა შესაბამისად.

შეზღვევით დროს გააკონტროლოს მიმწოდებლის მიერ წინამდებარე ხელშეკრულებით აღებული ვალდებულების შესრულება და ხარისხი

5. ფორს-მაჟორი

- 5.1 მხარის (მხარეთა) მიერ წინამდებარე ხელშეკრულების პირობების დარღვევა არ გამოიწვევს შესაბამის პასუხისმგებლობას თუ აღნიშნული დარღვევა გამოწვეულია ფორს-მაჟორული გარემოებებით.
- 5.2 ფორს-მაჟორული გარემოება წარმოადგენს მხარეთათვის გადაუღებელ, მათგან დამოუკიდებელ პირობებს (არ არის გამოწვეული მხარეთა არასწორი ქმედებების შედეგად), რომელთა წინასწარ გათვალისწინება შეუძლებელია, კერძოდ: ომი, ეპიდემია, კარანტინი და სხვა.
- 5.3 ფორს-მაჟორული გარემოების შემთხვევაში მხარემ, რომლისთვისაც შეუძლებელი ხდება წინამდებარე ხელშეკრულებით ნაკისრი ვალდებულებების შესრულება, დაუყოვნებლივ უნდა აცნობოს მეორე მხარეს, წერილობითი ფორმით.

6. ხელშეკრულებაში ცვლილებების შეტანა

- 6.1 წინამდებარე ხელშეკრულების დამდებ არცერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 6.2 თუ რაიმე, წინასწარ გაუთვალისწინებელი მიზეზების გამო წარმოიშობა წინამდებარე ხელშეკრულების პირობების შეცვლის აუცილებლობა, ცვლილებების ინიციატორი მხარე ვალდებულია შეატყობინოს მეორე მხარეს შესაბამისი ინფორმაცია წერილობითი ფორმით.
- 6.3 ხელშეკრულებაში ნებისმიერი ცვლილების ან დამატების შეტანა შესაძლებელია მხარეთა ორმხრივი შეთანხმების გზით, რომელიც ფორმდება წერილობითი შეთანხმების სახით.

7. ხელშეკრულების შესრულების შეფერხება

თუ წინამდებარე ხელშეკრულების შესრულების პროცესში მხარეები წააწყდებიან რაიმე ხელშეშლელ გარემოებებს, რომელთა გამოც ფერხდება წინამდებარე ხელშეკრულების პირობების შესრულება, შესაბამისმა მხარემ შეფერხების მიზეზების შესახებ დაუყოვნებლივ უნდა აცნობოს მეორე მხარეს წერილობითი ფორმით.

8. ხელშეკრულების შეწყვეტის პირობები

მხარეებს შეუძლიათ ვადაძვე შეწყვიტონ წინამდებარე ხელშეკრულება შემდეგ შემთხვევებში:

- ა) მიმწოდებელი უფლებამოსილია შეწყვიტოს წინამდებარე ხელშეკრულება თუ აღმოჩნდა, რომ შემსყიდველი ვერ უზრუნველყოფს წინამდებარე ხელშეკრულებით გათვალისწინებული თანხის გადახდას;
- ბ) შემსყიდველი უფლებამოსილია შეწყვიტოს წინამდებარე ხელშეკრულება მიმწოდებლის მიერ წინამდებარე ხელშეკრულების ნაკისრი ვალდებულების არშესრულების ან/და არაჯეროვნად შესრულების შემთხვევაში;
- გ) წინამდებარე ხელშეკრულების შეწყვეტის ინიციატორი ვალდებულია შეატყობინოს მეორე მხარეს შესაბამისი ინფორმაცია წერილობითი ფორმით, წინამდებარე ხელშეკრულების შეწყვეტამდე 10 სამუშაო დღით ადრე;
- დ) ხელშეკრულება შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. ხელშეკრულების პირობების შეუსრულებლობა და ინსპექტირება

- 9.1 ფორს-მაჟორული გარემოების გარდა, შემსყიდველის მიერ წინამდებარე ხელშეკრულების ვალდებულების შესრულების ვადის გადაცდენის შემთხვევაში, შემსყიდველი ყოველი დაგვიანებული დღისთვის მიმწოდებელს უხდის პირგასამტეხლოს წინამდებარე ხელშეკრულების ღირებულების 0,5% -ის ოდენობით.
- 9.2 საჯარიმო სანქციების გადახდა არ ათავისუფლებს შემსყიდველს ძირითადი ვალდებულების შესრულებისაგან.
- 9.3 წინამდებარე ხელშეკრულების ინსპექტირებას ეროვნული არქივის მხრიდან განახორციელებს - მცხეთის ადგილობრივი წარმომადგენელი ან მისი მოვალეობის შემსრულებელი.

10.1 მხარეთა შორის წამოჭრილი დავა წყდება ურთიერთშეთანხმებით.

10.2 ურთიერთშეთანხმებით დავის გადაჭრის შეუძლებლობის შემთხვევაში, ნებისმიერი მხარე უფლებამოსილია დავის გადასაჭრელად დადგენილი წესით მიმართოს სასამართლოს.

11. ხელშეკრულების მოქმედების ვადა

წინამდებარე ხელშეკრულება ძალაში შედის 2017 წლის 1 იანვრიდან და მოქმედებს 2018 წლის 31 იანვრამდე.

12. დასკვნითი დებულებები

12.1 წინამდებარე ხელშეკრულება შედგენილია, განიმარტება და რეგულირდება საქართველოს მოქმედი კანონმდებლობის შესაბამისად.

12.2 წინამდებარე ხელშეკრულება შედგენილია ქართულ ენაზე, სამი თანაბარი მნიშვნელობის მქონე ეგზემპლარად, რომელთაგან ერთი გადაეცემა შემსყიდველს, ორი კი მიმწოდებელს.



13. მხარეთა რეკვიზიტები

შემსრულებელი

სსიპ - საქართველოს ეროვნული არქივი

მცხეთის ადგილობრივი წარმომადგენლის

დროებით მოვალეობის შემსრულებელი

ეფემია წიკვაშვილი

ს/კ 211358957

მიმღები ბანკი: სახელმწიფო ხაზინა

მიმღების დასახელება: ხაზინის ერთიანი ანგარიში


ბანკის კოდი: TRESGE22

ანგარიშის ნომერი: 707447080

შემსყიდველი

სსიპ - ილია ჭავჭავაძის საგურამოს

სახელმწიფო მუზეუმის დირექტორი

ანდრო ბედუკაძე

ს/კ 236067224

მიმღები ბანკი: სახელმწიფო ხაზინა

მიმღების დასახელება: ხაზინის ერთიანი ანგარიში

ბანკის კოდი: TRESGE22

ანგარიშის ნომერი: 1085500000